

# Zwei Köpp, eine Gedanke

Musik & Text Björn Heuser und Martin Buß / Verlag: HEUSERMUSIK, GMO Publishing

E paar Wööder om Rand vun nem Zeidungspapier,  
su fängk et ofmols ahn.  
Eetz kütt dir en Idee, dann es d'r Kopp manchmol leer,  
doch do es immer einer, dä mer froge kann.

„Hey Jung wie es et? Häs do hück Ovend ald jet vür?  
wenn nit, pack ich ming Jitarr, un kumm einfaach zo dir.“

**Un mer schrieve uns Leeder,**  
**weil mer jet zo sage han.**  
**Kennt die och nit jeder,**  
**mer jläuve fess dodran.**  
**mer sprenge domet Jrenze un Schranke**  
**zwei Köpp, eine Gedanke.**  
**Zwei Köpp, eine Gedanke.**

Us d'r Idee do weed en Stroph, us nem Ton en Melodie,  
us Realität Phantasie.  
Wenn Wööder laufe liere, dann kanns do en spüre,  
dä Zauber, die Magie.

Bröder em Jeiste, jedes Leed es ne Jewinn.  
Ne Zeddel un ne Steff, su einfach kann et sinn.

**Un mer schrieve uns Leeder, ...**

Diskutiere, om Idee ringe,  
Welte baue, Wahrheit erfinde -  
Jesetze jitt et kein.  
Zwei Legionäre,  
Doch Jitarre, kein Jewehre.  
Mer schreie nit, doch mer han en Stemm.

**Un mer schrieve uns Leeder, ...**